



Ա. ՄԱԴՈՅԱՆ

ՎԿԱՅԱԲԱՆԱԿԱՆ ՏԱՂԵՐ

Վկայաբանական բովանդակությամբ բանաստեղծություններ գրվել են դեռևս վաղ միջնադարում, Մեսրոպյան դպրության արշալույսին: Առաջին ամենամշանավոր երկը Կոմիտաս կաթողիկոսի՝ Հոփսիսիմյան կույսերին նվիրված «Անձիք նուիրեալք սիրոյն Քրիստոսի» շարականն է, որ, ծավալուն լինելու պատճառով, բանասիրության մեջ կոչվում է մաս պոեմ: Քերթվածի տնագլուխ գրերը հոդում են հայոց այբուբենը: Ծարականների մեջ մյուս նշանավոր ստեղծագործությունը Ներսես Ծնորհալու «Նորահրաշ պսակաւոր»-ն է՝ նվիրված Վարդանանց հերոսների հիշատակին («Ներսէսի երգ» բանակապով):

Այս, ինչպես մաս մի շարք այլ շարականներ, զանգեր, տաղեր հույժ հանդիսավոր շեշտ ունեն, գրված են մեծ մասամբ կանոնավոր տաղաչափությամբ, ինչ-որ նրանց հաղորդել է տոնականություն, վերություն. այսպես.

«Ընկերք միամիտք մարմնական կենցաղոյս,
Նահատակք հաւատարք և հոգւով միացեալք,
Միաբան ընթացեալք ի տեղի ճակատու
Զինեցան հաւատով և կացին յանդիման»¹:

Կարդում ենք կոմիտասյան շարականում:
Հոփսիսիմն կույսին նվիրված մի այլ գեղե-

ցիկ բանաստեղծություն («Ի սորբ կոյսն Հոփսիսիմն») ունի Ծնորհալին².

«Ռահահորդ ողևոր երկնքնաթաց,
Օրինաց երկնանոյն խորագգաց,
Որացեալ զանձն և զփառս հայրենեաց.
Հրեշտակ հրաշափառ Հոփսիսիմն»³:

Գլխավորապես կանոնավոր կշռությի, ապա և բաղաձայնությի շնորհիվ բանաստեղծությունը երաժշտականություն է ձեռք բերում և կրում է հուզական բավականաչափ մեծ թեւ: Նրա յուրաքանչյուր տունը ավարտվում է միևնույն՝ «Հրեշտակ հրաշափառ Հոփսիսիմն» տողով, որը նույնպես նպաստում է երաժշտականությանը: Բանաստեղծը կանոնավոր են, կազմված են երեքական անապեստից (վերջատանջ):

Հայ բանաստեղծության զարգացման հաջորդ շրջանում (ԺԳ դարից հետո) նույնպես գրվել են վկայաբանական քերթվածներ: Ու թեև սկզբից ևեթ որոշ հանգամանքներով տարբերվել են դրանք իրարից, այստեղ է, որ նկատելիորեն բաժանվում են առանձին ենթատեսակների, ստանում ժանրային որոշակիություն: Եթե փոքրածավալ գործերը պարզապես ողբ, գովք կամ ներբող են եղել իրենց նահատակ հերոսներին, ապա ավելի ծավալունները այդ գովքին, փառաբանությանը միացրել են մաս պոեմ,

¹ Զանգրադ Ծարական, Վաղարշապատ, 1898, էջ 327: Տես նաև «Հայոց հին և միջնադարյան բանաստեղծության քրեատմատիկա», Երևան, 1979, էջ 22:

² Տե՛ս Ներսես Ծնորհալի, Բանք չափաւ, Վնն-տիկ, 1830, էջ 474—475: Բանաստեղծության տնքի ստաջին տողերի սկզբնատուները հոդում են Հոփսիսիմն անունը:

³ Նույնը, էջ 474:

պատմել հերոսի գործած սխրանքը: Ուշ միջնադարում հանդիպում ենք նաև վկայաբանական բովանդակությամբ գուսանական երգերի, նույնիսկ՝ տապանագրերի⁴:

Ծավալով ու բնույթով տարբեր բոլոր այս ստեղծագործությունները համատեղված են տաղ անվան տակ, բայց առնվազն երեք տեսակի են պատկանում. Ա. ողբ-բանաստեղծություններ, ուր եղերերգական շեշտով լալիս են նահատակի կորուստը. Բ. ներքող-գովեր և, վերջապես, Գ. քերթվածներ (պոեմներ):

Վկայաբանական բանաստեղծությունները փոքրածավալ են (1—2 էջ): Այստեղ փառաբանվում են նահատակի կամքի ուժն ու կայունությունը, նրա սխրանքը: Սա բանաստեղծություն է, չունի պոմե, կամ կան պոմեի ինչ-որ տարրեր: Երբեմն հերոսը համեմատվում է այս կամ այն սրբի և կամ նշանավոր վկայի հետ: Փոքրածավալ բանաստեղծական խոսքը հնչում է մեծ մասամբ իբրև ձոն, ներքող: Դրանք նաև բնարական են, արտահայտում են հեղինակի ապրումներն ու զգացումները:

Մյուս խումբը այն ստեղծագործություններն են, ուր պատմվում է նահատակությունը, դիպվածի մանրամասները, այսինքն՝ սրանք պոմե ունեն, հաճախ՝ մի քանի, գուգահետ կամ խաչաձևվող գծերով զարգացող, ունենում են նաև բարոյախոսական մաս, խրատական բնավորություն, ողբում են նահատակի մահը կամ (ավելի շատ) ասում, որ ողբալու փոխարեն ցրածալ, ուրախանալ է պետք, որովհետև վկա լինելը երանություն է: Մի փոքր ավելի ուշ այս երկու զգացումները հանդես են գալիս համատեղ. ուրախություն է ապրում հեղինակը այն գիտակցությունից, որ վկան գնում, միանում է անմահներին, ողբում՝ որ իրենցից հեռանում է:

Դեպքը պատմելիս հեղինակն աշխատում է ընդգծել անօրենների դաժանությունները,

⁴ Տե՛ս, օրինակ, «Հայոց մոր վկաները», աշխատանքությամբ Հ. Մանանդյան և Հր. Աճառյան, Վաղարշապատ, 1908, էջ 565—566, 569—571 ևն: Այսուհետև սույն գրքին վերաբերող հղումները՝ շարադրանքի մեջ, փակագծերում: Ստեփանոս ճախավկային է նկարված Հովհաննես Եսիսկյուրոս Հաղեպեի երգչի (ԺԷ դ.) հետևյալ հանդուկը.

«Գլուխ և աարտ մոյն տառ կալեալ,
Հինգ ամանակ եռ վանգ եղեալ,
Նահատակաց վարձ սահմանեալ,
Անուն պըսակ ստուգաբանեալ»:

(Աս. Մանգակյան, Հայ միջնադարյան հանդուկներ, Երևան, 1980, էջ 507):

չարագործության թողած ազդեցությունը ինչպես հավատացյալների, այնպես և անհավատների վրա: Հեղինակի անձնական զգացումները արտահայտություն չեն գտնում, լավագույն դեպքում նա գործածում է ինչ-ինչ դեկորատիվ բառեր, որ կոչված են արտահայտելու նրա վերաբերմունքը, ի տարբերություն ողբերի հեղինակների, որոնք իրենց զգացումները, ցավը նույնպես արտահայտում են: Սրանք ավելի ակնհայտորեն կրում են Ներսես Շնորհալու Ողբի ազդեցությունը: Եվ պատահական չէ, որ տաղերում Գրիգոր Լուսավորչի, Վարդանանց, Հռիփսիմյանց և մյուս սրբերի նման հիշվում է նաև ԺԲ դարի մեծ բանաստեղծը:

Դեպքերը շարադրելիս ամենից կարևորը հեղինակի համար վկայի հերոսական կեցվածքն ու անասան վարքագիծն ընդգծելն է, նրա բարձր, անխախտ հավատը շեշտելը՝ ամեն կերպ, ամեն առիթով:

Վկայաբանական երկերն առհասարակ, արձակ թե չափածո, ունեն միտումնավոր, հետևողական գաղափարաբանական հենք. դա նրանց ամենից ավելի աչքի ընկնող հատկանիշն է թերևս:

Իսկ ինչպես են վկայաբանական տաղերի հեղինակներն անվանում իրենց կատարած աշխատանքը և, որ առավել կարևոր է, երկր: Ադ անվանումներն ամենից առաջ հանդես են գալիս վերագրելով (որոնք միշտ չէ, որ հեղինակին են լինում): Այստեղ դրանց մեծագույն մասը կոչվում է տաղ: Մյուս մասը բանակապի մեջ կատարում է նշում՝ բան (Քրեատոմատիա, էջ 340—345, 504—516, 599, 620—627), և, ի վերջո, բուն ստեղծագործության մեջ՝ տաղ (629), ճառ (357), ողբ (629), վեպ ճառին (648) և այլն: Այս տեսակետից ուշագրավ է Բարդամի որդի Միքայելի «Պատմություն տաղի չափեալ ոտանաւոր նահատակութեան Դաթի Սեբաստացոյ» քերթվածի սկիզբը.

«Ի պատմութիւնս երգոյ տաղաչափական՝
Կամիմ ըզբէն ճառել, վրկա՛յր

պատուական...

Խընդրեա՛ ի Քրիստոսէ տալ մըտաց իմ
բան՝

Վիպասանս յարմարել քեզ ներդաշնական.
Թեպէտ մեղապարտ եմ և ոչ եմ արժան՝
Ներքողել զքաջութիւն քոյր վրկայութեան:
Սակայն փափագ սրբոյիս ըստիպէ յայս

ջան՝

Լինել ինձ ձեռնամուխ վեհիդ պատմութեան,
Ընկա՛լ, մեծդ, ի փոքրէս ընծայ ի՛տղերսան,
Ի տարտամ անձնէս քեզ յիշատակարան»:
(504)

Այստեղ առկա են՝ պատմություն երգոյ տաղաչափական, ճառել, վիպասանք, յիշատակարան, որոնք մասամբ կիրառված են, սակայն, առանց որոշակի սկզբունքի, տարբերակման, անհամակարգ բառեր են, և ոչ՝ գրական եզր: Բայց, այնուամենայնիվ, սա ցույց է տալիս, որ ուշ միջնադարի հեղինակները դեռևս ինչ-որ աղոտ, հեռավոր պատկերացում ունեն հին տեսակների համակարգի վերաբերյալ, ծանոթ են նրանց անվանումներին:

Մյուս կողմից, հեղինակն իր կատարածն անվանում է՝ յարմարել ներդաշնական, ներքողել: Ուրիշները ևս ունեն այսպիսի ակնարկություններ. շարադրեալ (599), երգել (277), ասել (401—408—բանական), գրել (629, 646): Հեղինակներից մեկը (Հովհաննես Կարանցի-Հաննա) իր գրած նախնական տարբերակը համարում է «անյարմար ոտնաշարութեամբ գրեալ», վերստին անդրադառնալով տալին, ասում է՝ «ընդլայնմամբ և տասնավանկեալ ոտնաշարութեամբ շարագրեցի և պարբերութեամբ տրոհեցի, ի գլուխս գլուխս բաժանեալ, յորոց գլխոց նախատառիցն յայտ եղանի անունն չընկնոյս» (574): Հետաքրքիր է այս տեսակետից, որ Հովհաննես արեղան Վառլանտե և Մարիամ վկայուհիների տապանագրերի բանականի մեջ իրեն անվանում է հիսող և շարահիս, մեկ ուրիշը՝ յարմարող և այլն:

Այն ենթատեսակները պահպանվեցին մինչև ուշ միջնադար, նույնիսկ հասան մինչև նոր ժամանակները: Այս երկու շերտը նկատելի է նաև նոր վկաներին նվիրված տաղերում: Ըստ այդմ, ծավալում երկերը, որոնք սյուժե ունեն, կոչվել են պայմանաբար պոեմ, փոքրերը՝ բանաստեղծություն: Բայց նոր վկաներին վերաբերող տաղերն այլևս չունեն նախորդների հանդիսավորությունը: Ընդհակառակն, սրանք ավելի ժողովրդային, դեմոկրատիկ շունչ ունեն, ավելի անպաճույճ շարադրանք, հաճախ՝ մտերմիկ շեշտ: Իհարկե, ինչ-ինչ հարցերում սրանք կապված են նախորդների հետ, կան ընդհանուր տեղիներ, և վերջին հաշվով սրանք նրանց շարունակությունն են, չէին կարող ամենևին կապ չունենալ: Ընդհանրապես Վարդան Մամիկոնյանին դիմելով ասում է.

«Վարդա՛ն, քաջ նահատակ, որ վանեցեր
ըզթըշմամին,
Վարդագոյն արեամբող քով պոսակեցեր
գեկեղեցի»:

Այստեղ առկա են՝ բաղաձայնայնություն (վ) և բառախաղ (Վարդան-վարդագոյն): Այս և

այս կարգի մյուս երևույթները կրկնվում են, անշուշտ, նոր վկաների կապակցությամբ, նույնիսկ կարելի է հետազայում հանդիպել նույն «վարդագոյն արին» արտահայտությանը. «Եւ վարդագոյն արին հեղին» (348), «Եւ վարդագոյն արինդ քո հեղալ յերկիր» (410), «Ջի զվարդագոյն արինըն յերկիր եհեղ» (397): Այսպիսի բառախաղերը սիրելի են ուշ շրջանի գրողներին. «Աստուածատուր-աստուածասեր» (401), «Լո՛յս Պարոն—լո՛յս եղեր մէջ աշխարհի» (407) և այլն:

Վկայաբանությունը, ինչպես առհասարակ սրբախոսությունը, իր բնույթի պարտադրանքով հիմնականում նույնական է մյուս քրիստոնյա ժողովուրդների (ասենք՝ բյուզանդական, ասորական ևն) նույն կարգի գործերի հետ: Որովհետև տաղերը ստեղծված են արձակ վկայաբանությունների հետևողությամբ, իսկ վերջինս ընդհանրական տեսակ է:

Այդ երկերում նահատակը անհրաժեշտաբար տիպականացվում է, հարմարեցվում ինչ-ինչ պահանջների, կաղապարի: Ինչպես նկատել է Բ. Տեր-Դավթյանը, վկայաբանությունները «վարքերի կողքին և, նրանցից էլ ավելի կենսունակ, շարունակում են գոյատևել ընդհուպ մինչև XVIII—XIX դարերը»⁵, որովհետև նահատակության երկփուլյոր հաջ կանքում շատ տարածված-տիպական էր: Այդ է պատճառը, որ վկայաբանական բնագրերի աշխարհագրությունն ընդգրկում է գրեթե ամբողջ Հայաստանը՝ Արցախից Բարձր Հայք, Խաչենից Գողթն, Վասպուրականից Կարին ու Ամասիա, այն բազմաթիվ հայկական գաղթավայրեր, մինչև Դրիմ, մինչև Լեհաստան:

Մեզ հետաքրքրող տաղերից շատերն ունեն իրենց արձակ նախորդները կամ տարբերակը: Դրանց առկայությունը հնարավորություն է տալիս համեմատելու արձակ և չափածո վկայաբանությունները: Այս առումով հետաքրքիր են մանավանդ այն զույգերը, որ պատկանում են միևնույն գրչին: Այսպիսի զույգեր են՝ «Գանձ տեսոն Զարարիայ կաթողիկոսի Աղթամարայ, ասագեալ ի Գոհգոր վարդապետ» (+1393 թ., էջ 177—181, արձակը՝ 170—176), Պարոն Լոյս Կաֆացի նահատակին նվիրված՝ Վրթանես վարդապետի տաղերը (+1567 թ., էջ 396—400, 401—408, արձակը՝ 386—394), Ստեփանոս արքեպիսկոպոս Սեբաստիոյ (+1383, 149—150, արձակը՝ 137—

⁵ Բ. Տեր-Դավթյան, XI—XV դարերի հայ վարդապետությունը, Երևան, 1980, էջ 29:

145)⁶, «Եղերերգութիւն ի մահ Աստուկոյեան Օրեմնց Գրիգոր վարդապետի խաթանայ» (+1426, 247—275, արձակը՝ 264—272), Գասպար, Մարիամ և Վառվառե Կարնեցիք (+1810, 646—673, արձակը՝ 631—644): Բացի արձակ վկայաբանություններից, Աստուկոյեանների մասին տեղեկություններ հաղորդում են նաև այլ աղբյուրներ (պատմիչներ, ժողովրդական ավանդություններ ևն): Համեմատությամբ կարելի է նկատել, որ արձակ և չափածո վկայաբանությունների միջև սկզբունքային տարբերություն չկա: Արձակը ավելի համառոտ է փայտում, պատմում դիպարաբանում:

Ինչպես արձակ, այնպես էլ չափածո վկայաբանություններում ավել կամ պակաս մանրամասնությամբ նշվում է Աստուկոյեան տարին, օրը, ավուր պատկերը: Բացառություններն անհնազան են և աղավաղման հետևանք գլխավորապես: Մեծ մասամբ ժամանակը նշում են անմիջապես տաղի սկզբում, ուրիշները՝ վերջում, երրորդները՝ և՛ սկզբում, և՛ վերջում:

«Ռամեալ ընդ նրմին
Չորս հարիւր թըին,
Եօթն պակաս ամին,
Յամսեան մեհեկին,
Տասնևհինգ օրին,
Չորեքշաբթին,
Զմեր հովիւ քարին
Նահատակեցին
Վասն անուան քոյին»: (179)

Գրում է Գրիգոր վարդապետը, դիմելով Բրիստոսին:

Քերթվածի սկզբում դրված այդպիսի նշումները միաժամանակ առաջաբանի, Աստուկոյեանի դեր են կատարում: Այստեղ ակնարկվում է կատարված իրողության մասին, որ մտադիր է բանաստեղծը պատմելու: Հովասափ Սեբաստացին, օրինակ («Ոտանաւոր վասն Կոկնայ Աստուկոյեանի»), գրում էր.

Յինքն հարիւր Հայոց թուին,
Ութսուն և հինգ անդորդին՝
Խիստ մեծ կսկիծ ողորմագին
Եղաւ մանկանըս Կոկնային»: (373)

⁶ Հմմտ. «Տաղ տէր Ստեփանոսին» Սիմեոն Եպիսկոպոսին: Այս երկուսի փոխհարաբերության վերաբերյալ դիտողություններ տե՛ս Պ. Խաչատրյան, Հայ միջնադարյան պատմական ողբեր (ԺԴ—ԺԷ դդ.), Երևան, 1968, էջ 308:

Այս կարգի Աստուկոյեան ընթերցողին անմիջապես կանգնեցնում է գործողության շեմին, և հեղինակը պատմում է արդեն բուն դեպքը:

Նաև այլ բնույթի Աստուկոյեաններ են լինում: Մեծ Պարոնը («Տաղ Խըտըրշայ մանկան, որ ի Մարգրամ քաղաքն է Աստուկեալ»), որ իր երկին դաստիարակչական նշանակություն է տալիս և պարզապես խրատ անվանում, Աստուկոյեանի իր ունկնդրին (ընթերցողին), թե՛ «Աղէկ լըւէ, զականջըդ քաց» (376), ավելի մոտենալով խրատական-ուսուցական բանք-պոեմներին: Ունկնդրի սրտում հայրենասիրական կրակ վառելու ձգտումով, նա իր պատմությունն սկսում է հեռովից, անդրադառնում հայ ժողովրդի քաղաքական պատմությանը, Աստուկոյեանի կամ Աստուկոյեանի, փաստորեն մատնացույց անելով կատարված դժբախտությունների պատճառը:

«Մեք թագաւորք ունեաք օծած,
Մեծ մեծ իշխանք. ան այլ գընա՛ց.
Որ զմեզ թողին ի մէջ տանկաց,
Հուքմըն կ'առնէր ամէն խուզած»: (377)

Տաճիկները մեծ գորքերով հարձակվում են Հայաստանի վրա, և հեղինակը, թերևս ժողովրդական բանահյուսությունից եկող, մի գեղեցիկ համեմատությամբ ցույց է տալիս դրանց կատաղությունը:

«Զերդ քացխով տիկ՝ չարով լըցած,
Զինչ ըզգագան նետով հարած...» (Անդ)

Նախադրությանը հաջորդում է վկայաբանական տաղերի երկրորդ, հիմնական մասը, որ ներկայացնելով ու գովաբանելով հերոսին, հեղինակը պատմում է իրեն գրադեցնող դեպքերը, աշխատում ստեղծել Աստուկոյեանի հերոսական կերպար: Եվ չնայած որոշ կաղապարայնության առկայությանը, երբեմն բուն հերոսի, անձնավորության անհատական գծերը նրան տալիս են ինքնուրույն, սեփական գույն ու դեմք, Աստուկոյեանին: Ժիշտ կլինի նաև ասել, որ այնտեղ Աստուկոյեանին վերջին հաշվով դրսևորվում է ավելի փոքր, թերևս երկրորդական հանգամանքներում, քանի որ այս կարգի հերոսների համար գլխավոր ոչ թե թանձրացական, կոնկրետ գործն է, այլ ընդհանուրը, վերացականը, այն, որով նրանք միավորվում են մեկ հասկացությանը՝ վկա, Աստուկոյեան: Ուստի հասկանալի է, որ այս հերոսները ոչ միայն նման են, այլև հաճախ՝ նմանակներ:

Քերթվածների երկրորդ մասում են ծա-

վալվում գործողությունները, պլոմեն: Հասկանալի է, սա վիպական բնույթ ունի, ի տարբերություն առաջին մասի, որ բնարական, սովորի շատ ճարտասանական է, և երրորդի, որը նույնպես կա՛մ բնարական, կա՛մ ճարտասանական է բնույթով:

Անհավատ բռնամիտների ձեռքն ընկած մահատակը զրպարսովում է, ենթարկվում երկու կարգի փորձության՝ մարմնական կտտանքների և գայթակղության. աշխատում են ինչ հնարքով ուզում է լինի, ամեն կերպ, ամեն գնով, ապառնալիքներով, տանջանքներով, թե կաշառք-խաբեությամբ, հավատափոխ անել հերոսին: Այդ նպատակին հասնելու համար ինչպես մոլեռանդ ամբոյսը, այնպես էլ նրանց առաջնորդները, «վաշտոնյաները՝ դատավորներ, դահիճներ և այլն, յուրաքանչյուր դեպքում տանջահարության մոտ ձև ու միջոց են գործադրում, երբեմն այդ բնագավառում ցուցաբերելով հագվագյուտ հմարամտություն, հանճար:

Միջոցներից ամենատարածված-սովորականը վկային քարկոծելն է: Ահա, կտրում են հերոսներից մեկի լեզուն (374), խաշում, կախում «գլուխ ի վայր» և քարկոծում (375), քրածեծ անում ու կոճղապնդում, ունեղիով կեղեքում մարմինը (508), կախում են գլխի վայր (509), դնում են «գոտսն ի փայտի», տակը ջուր լցնում, որ սառչի (510), ոտքերը «կոճղ» դնում, «զինուքն խրծրծեին» (511), երիցս իջեցնում խորխորատը և հանում (512), նստեցնում հրաշեկ տապակին, երկաթյա ճաղերով «լըղունգըս հատեալ»՝ մատների ծայրերից ներս են հարում ճաղերը (623) և այլն: Մի - ուրիշ դեպքում փայտ են դիզում, խարույկ վառում, մահատակին փաթաթում խաիրով և նետում կրակի մեջ (331)...

Երբեմն այդ չարչարանքները բոլորը միասին են լինում. Գրիգոր Խլաթեցին (Շերեմե) վկայում է.

«...Սքրով խոցեցին,
Վիրաւորեցին,
Քաղկոծ արարին,
Խորտակեալ հարին,
Զարդեալ մանրեցին
Ըզգըլուխ նորին.—
Ուրախ էր հոգին: (179)

Երբ հարցաքննում են վկային, սա աշխատում է կտրուկ լինել պատասխանելիս, անզիջում, շեշտել քրիստոնեության առավելությունը: Մանուկ Խտրըշային (+1541) ստիպում են մահմեդականություն ընդունել: Նա ոչ միայն մերժում, հրաժարվում է, այլև

վիրավորանքներ է ուղղում այդ կրոնի հասցեին, հեղհում.

«Ատաց թե՛ ինձ հանց մի՛ աւեր,
Այդ ինձ թրի քան զշուն դեղամ.
Հոգոյս չունի՛ք իշխանութիւն,
Ահա մարմինս հատիր կանգնած:
...Հրեցկուն հաւատ ո՛վ է տեսեր
Ի վրայ մարդոյ ճորով ձրգած: (381)

Նրա այս կեցվածքը բնականաբար ավելի է կատաղեցնում մոլեռանդ չարագործներին, և սրտիծն ալելի խիստ է լինում: Իսկ դա մահատակին ցանկալի է: Բայց ավելի շատ են այն մահատակները, որոնք այս կամ այն նկատառումով չեն ցանկանում հայհոյել կամ հեղհել պարտադրվող կրոնը: Նրանցից շատերը հենց ցանկանում են դանդաղ տանջամահ լինել ի հեճուկս չարագործների, որ ավելի փառավորեն սեփական կրոնը: Դավիթ Սեբաստացի մահատակին իր հին քարեկամ էմիրը խորհուրդ է տալիս՝ ինչո՛ւ ես դանդաղ տանջամահ լինում, հայհոյի՛ր մեր հավատը, եթե չես ուրանալու, որ «նեպով ըսպանցեն»:

«Սուրբն ասե՛՛ Մի՛ տացե Աստուած ինձ
խօսել
Հեղհ ինչ, և մեղաց ձեր իմ կըցորդ լինել...»
(512)

Եվ որքան մահատակները նման են իրար (վարվելակերպի, վարքագծի կամ կեցվածքի ուղղագծություն), գրեթե նույնքան տարբեր են քացասականները, այսինքն նրանց տանջողները, քանի որ ամեն անգամ նոր դեմքով են հանդես գալիս, նոր չարություն են մտածում ու գործում: Վերջինների նմանությունը միայն այդ ձգտման մեջ է: Կարծես մրցում են, թե ով ինչ նոր քան կհորինի, և այդ «գյուտերը» ևս նրանց օժտում են սեփական, անհատական գծերով: Անհրաժեշտ է նշել, որ այս քացասական կերպարները երբեմն գուր են ցուցաբերում, մարդկային ինչ-որ դրական հատկանիշներ ի հայտ բերում, որով նրանց կերպարն աավելի բազմակողմանի է դառնում ու ավելի կենդանի: Մինչդեռ մահատակները միայն դրական հատկանիշներով են օժտված:

Մյուս կողմից, բռնադատիչները քաղցր լեզու են բանեցնում, շողորորթում վկային, աշխատում նրան համոզել, հրապուրել մահմեդականություն ընդունելուց հետո տրվելիք քարիքներով:

Դատարանի ճանապարհին վկային ցույց են տալիս մի տանկացածի՝ «Տե՛ս գի սա

տանկացաւ և փառաւորի» (508), արծաթ, «թամբեալ ձի», զգեստ նվիրում, խոստումներ են տալիս:

«Այլ և ծանուցանեմ զքեզ թագաւորին՝
Զի քեզ գեղըս տացէ և սըպայութիւն»:
(509)

Նույն վկային մեկը (Սիեան) ասում է.

«Ո՛րդեակ, մի տար ի մահ ըզբոյոյ
մանկութիւն,
Զհասակդ վայելուչ ի լըսպանութիւն.
Եւ ես տաց ըզդուստր իմ քեզ ի կընութիւն,
Եւ ըզքեզ զըրեցից ինձ յորդիութիւն»:
(511)

Աստվածատուր Խըթայեցուն թախանձում են (355), Կոկնա Սեբաստացուն աղաչում (374), Պարոն Լույս մահատակին պարգևներ խոստանում և սպառնալիքներ կարդում (403): Օրինակները կարելի է բազմապատկել: Այսպիսի իրավիճակում, ահա, մահատակները հանդես են բերում իրենց հոգու արիությունը, տոկունությունը, կարողանում են դիմագրավել ամեն տեսակ բռնության ու գայթակղության, ցուցաբերել անկոտրում հավատ ու կամք, անդալման և անկողմնություն, անսայթաք վճռականություն: Դրական հերոսների՝ մահատակների անդդողելի հավատը, անկոտրելի ընդհանուր երևույթ է վկայաբանական տաղերի համար: Դրանով իսկ այդ հերոսները մեծ են իրար: Եվ որքան մեծ գայթակղության ու տանջանքների են դիմադրում, այնքան ևս անկողմնի, մեծ, ուսանելի է նրանց սիրանքը: Վերջինս, սակայն, ունի մի այլ կողմ ևս: Գևորգ Սկևռացու վարքի կապակցությամբ խոսելով վկաների տանջանքների մասին, Ք. Տեր-Դավթյանը նկատում է, թե վկայաբանության հեղինակը «բացասական հերոսներին դատապարտելիս հաճույքով դիմում է նրանց չարագործությունների կոնկրետ նկարագրությանը, քանի որ ինչքան շատ չարագործություններ նկարագրվեն, այնքան ավելի մեծ պարսավանքի կարծանանա բացասական անձնավորությունները»⁷: Բայց չէ՞ որ դրանով նաև ավելի մեծանում, ընդգծվում է դրական հերոսի գործը:

Վկայաբանական քերթվածի, ինչպես և արձակ վկայաբանության մեջ, պակաս կարևոր չէ մահատակի հետ կապված հրաշքների, տեսիլների առկայությունը: Դա քերթվածի կառուցվածքային երրորդ բաղադրիչն է: Առհասարակ մահատակի սրբության ա-

մեծահանձնաշտ նշանը լույսն է, որ քրիստոնեական հավատի խորհրդանիշն է և այնքան առատ է վկայաբանությունների մեջ:

«Լույսն ի յերկնից ճառագայթեալ,
Ըզսուրք նըշխարսըն պարփակեալ,
Զբոլոր զամեն լուսով լըցեալ,
Իբր ըզնըրագ լուսով փայլեալ»:
(348)

Այս լույսը ամենուրեք հակադրված է անօրինության խավարին և շատ հաճախ ուժ է ներշնչում մահատակներին:

Իհարկե, լույսն իբրև խորհրդանիշ միայն վկայաբանություններում չէ, որ հանդես է գալիս: Այն հատուկ է ամբողջ քրիստոնեական մատենագրությանը, որտեղ, ինչպես հայտնի է, արևը Քրիստոսն է, քրիստոնեությունը՝ լույս, աղբյուր, սնունդ և այլն:

Վկայաբանական տաղերը շատ հաճախ երկար խորագրեր են ունենում: 1509 թ. մահատակված Ավետիք կրոնավորին նվիրված տաղը հետևյալ կերպ է վերնագրված. «Տաղ տէր Աւետիք կրօնաւորին, որ մահատակեցաւ ի ձեռաց թաթարաց աղեղնաւորաց ի մահաւագին Դրիմի, ի վերայ ճանապարհին սուրբ Նշանի վանիցն և գորշինեաց տէր Յոհաննէս Սեբաստացին, գոր կայ մինչև ցայսօր մեզ օգնական և պահապան» (346): Այսպիսի վերնագրերում արդեն սեղմ տրվում են հիմնական տեղեկություններ, որոնք ավելի հանգամանորեն պատմվելու են քերթվածում:

Ինչպես Կոմիտաս կաթողիկոսի, Ներսէս Ծնորհալու վերևում հիշված շարականները, վկայաբանական տաղերը ևս սովորաբար բանական են ունենում, որոնք հողում են հայոց այբուբենը, հեղինակի կամ հերոսի անունը և կամ երկուսին միասին⁸: Հայտնի է, որ միջնադարյան գրականության ուսումնասիրողին շատ բանով օգնում է բանականի առկայությունը: Դրանով հնարավոր է պարզել բազմաթիվ հարցեր, ճշտել հեղինակի ինքնությունը, հայտաբերել բնագրի խաթարումները: Պարոն Լույս Կաթացուն վերաբերող տաղերից մեկը (սկ. «Աստուած Հայր երկնաւոր, զքեզ գոհանամ, տէ՛ր, Որ դու զօրացուցեր ըզքո ծառայն, տէ՛ր» էջ 396—400) բանական ունի Ա-ից Ք, իսկ հետո՝ ՎԱ: Տաղի հեղինակը

⁸ Ս. Էջմիածնի նվիրակների գլխատման տաղը ունի հետևյալ բանականը. «Ի Յովանէս իցե հալացեալ ե քանս յնիերկերնա», որ անկասկած աղափաղված է: Առանձնապես հետաքրքիր է մեր ընդգծած բառը. ի՞նչ է ակնարկում հեղինակը դրանով: Անհավանական է, որ խոսքը թարգմանության մասին լինի: Տե՛ս «Հայոց մոր վկաները», էջ 845:

⁷ Ք. Տեր-Դավթյան, նշվ. աշխ., էջ 120:

Վրթանես Սոնկեցին է, որ գրել է նաև Լույսին նվիրված մեկ ուրիշ տաղ ու արձակ վկայաբանությունը: Ամենայն հավանականությամբ նա իր գործի վերջում գրել է իր անունը հոդող բանակապով հատված, որ, սակայն, աղճատվել, կիսատ է մեզ հասել: մնացել են միայն սկզբի երկու տառերը՝ Վա[րդանես]⁹: Նա իր մասին հայտնում է նաև ոտանավորի վերջին տան մեջ.

«Անուն մարտիրոսին սուրբ Պարոն Լույս է,
Անուն երգող բանին տեղ Վրթանես է,
ՅԱյրարատեան յերկրեն Կաֆա եկեր է,
Անթիս ատր բանին զայս ասացեր է»:
(400)

Վկայաբանություններում պաշտպանվում է նաև Հայ Եկեղեցու դավանությունը, ուղղափառ միաբանությունը: Ուստի և բնական է, որ Գրիգոր Լուսավորիչը հաճախակի հանդես է գալիս տաղերում: Երբ հարցաքննում էին Պարոն Լույս նահատակին, նրան քաջվերում է Գրիգոր Լուսավորիչը.

⁹ Բանաստեղծն իր անունը այս մեծով գրել է «Տաղ Պարոն Լուս նահատակին» քերթվածի մեջ.

«Մի՛ մոռանար երգող բանին՝
Ըզվարդանես անպետ հոգին,
Ըզվարդապետն Հայոց ազգին,
Եպիսկոպոսըն Կաֆային» (408)

«Լուսավորիչըն մեր երևեցաւ, տէ՛ր,
Պարոն Լուսին ասաց՝ Մի՛ վախենար, տէ՛ր,
Քրիստոս քեզ օգնական և պահապան, տէ՛ր,
Այլ և ըզբեզ յիշէ Հայրն երկնաւոր, տէ՛ր:
(397)

Սրանք են վկայաբանական պոեմների առեմնադիմացու ազդերը, և յուրաքանչյուր հեղինակ այս կամ այն չափով հարազատ է մնացել ժանրի պահանջներին՝ ինչպես կառուցվածքի, ձևի, այնպես էլ բովանդակության առումով: Կան նաև շեղումներ, բացառություններ, որոնք արժանի են հատուկ ուշադրության (Գրիգորիս Աղթամարցու, Հովհաննես Կարանցու քերթվածները): Այստեղ պոեմն ալելի բարդ ու ճյուղավորված է, վիպական տարրը՝ տիրապետող:

Առհասարակ սրբախոսության մասին Ք. Տեր-Պավլյանի արած հետևյալ դիտողությունը լիովին վերաբերում է նաև վկայաբանական տաղերին. «Վարքագրական, վիպական և պատմական սկզբունքների միացումը հեքուների կերպավորման գործում, որի անմիջական նպատակն էր բարձրացնել երկերի գեղարվեստական ներգործության ուժը, մյուս կողմից իր գործը ազդեցությունն է ունենում հայ սրբախոսության զարգացման ողջ հետագա ընթացքի վրա, դառնալով նրա առանձնահատկություններից մեկը»¹⁰:

¹⁰ Ք. Տեր-Պավլյան, Աղվ. աշխ., էջ 37:

